



Σὺν θεῷ ἀρχιἀτρω τρισμεγίστῳ!

FEBRIM MILITAREM,

quæ vulgò Morbus Hungaricus
vocatur,

Adspirante divini favoris aurâ,
Indultu inclytæ Facultatis Medicæ in perantiquâ
jam refflorescente Geranâ,

SUB PRÆSIDIO

GEORGII CHRISTOPHORI PETRI,

Medicinæ Doctoris, Facultatis Medicæ Professoris,
Præcisci Erffurti &c.

Dn. Præceptoris ac Fautoris sui honoris nisu prosequendi,
Publica Philia grâti censurâ
Submittit

SALOMON FLEISCHHAUERUS,

Med. Stud. Erffurtô Thuringus.

Ad diem 10. Februarii,
Horis & locô consuetis.

Annô

qVò faX CœrVLeô fataLIs In æthere LVXIt:
at ChrIstVs LVCtVs LenIet, atqVe LVeM.

*Spontaneis raris
ex flamma e-
rupta.*

Erfurti,
Typis Johann Georgii Hertziî,



JESU JUV A!



N morborum censu, qui vel silentiō & occultis subeunt cuniculis, vel apertō grassantur & saviunt Marte, meritō prima occupat subsellia *Febris*, quæ non solum vitæ fontem & radicem Cor impetit, sed cum spiritibus & humoribus etiam solidas partes, immo totum accendit Microcosmum, nulli ætati, nulli sexui parcens. Adoritur hæc calorem, quem Mystagogus noster venera-

bilis Cous 6. epid. comment. 5. t. 5. ob immediatum cum animâ nexum ψυχῆς dignatur titulō, cujus beneficiō homo vivit, & animâ dirigente omnia perficit opera : qui si salvus sit, prosperè cum hominis rebus agitur : sin autem pessundatus langvescat, aut subtracto fomite extinguitur, mors in insidiis, immo præforibus est ipsis. Non autem unō mortales lacescit modō Febris, sed admodum πολύμορφη & Prothei instar varias sibi adsciscit formas : quandoque enim solum spiritum vitalem; interdum humores in vasis; nonnunquam solidam partium aggreditur substantiam: hinc spirituosæ seu ephemeræ, humoralis & hecticæ nomen sortitur: sine intermissione si hominem affligat, continua; sin verò quasdam concedat inducias, intermittens nuncupatur. Putredo si adsit insignis, febris putrida; hanc si stipet perniciofa & maligna qualitas, conjuncta cum magnâ symptomatum vehementia, febris pestilens & maligna indigitatur.

Thesis

I. Hujus farinæ est Febris, quam favente divinō Numine jam in scenam producturi sumus: hæc vulgò Morbus Hungaricus aut Panno-

nicus audit: Horstius febrem militarem appellat, sago quippe quam togæ familiarior: nonnulli castrensem dicunt: castris enim oriundus ad loca postmodum & ordines cæteros, tanquam à scintillâ ad rogum transit: Germani vocant die Hauptkrankheit / die Herzbrenne oder Herzbräune / quasi dicas causum cordis: communiter nominant die Ungarische Krankheit. Hoc nomen traxit à locò, ubi maximè innotuisse videtur. Cum enim Annò post orbem redemptum 1566. gloriose memoriæ Imperator Maximilianus II. contra Turcarum Tyrannum Solymannum expeditionem bellicam suscepisset ad Comorram, ubi Christianorum exercitus, pro aris scilicet & focis dimicaturi, convenerant, truculentam tunc temporis morbus hic inter milites edidit stragem, ut ferè tum plures hòc morbò, quam hostili perierint gladiò: bellò tandem confectò exauctoratus miles Hungaricis castris valedicens, malum hoc penè per universam Europâ disseminavit. Vidisses hìc diversoria languentibus referta; vias publicas cadaveribus repletas; & omnia funestò occupata luctu: Unde factum, ut aliis plurimis, qui expeditioni illi non interfuerant, labes hæc per contagium communicata exitium attulerit: hinc populosisimæ provinciæ suis inquilinis; amœnissimæ urbes suis civibus; cultissimi pagi suis colonis, habitò discrimine nullò, orbatì sunt & spoliati. Et quamvis postea lues hæc de suâ ferociâ aliquantulum remittere videretur, recrudit tamen facilimè, præcipuè, quotiescunque immanes Turcæ armis resumptis exercitus Christianos per oras Hungariæ sibi obviam ire coegerunt: Idquod rerum Pannonicarum scriptores sedulò annotarunt.

2. Quamvis autem Febris hæc maximè tum temporis morbi Hungarici appellationem sortita fuerit: Nemo tamen velim sibi persvadeat, morbum hunc omninò novum & antiquis prorsus incognitum fuisse. Iatriarcha noster Hippocrates 2. epid. s. 3. tam eleganter affectum hunc, (præsertim ubi cum petechiis apparet) depingit, ut etiam pertransennam insipienti hunc locum natura ejus abundè patefcat. Verba sic sonant: *In febribus autem æstivis circa septimum, octavum & nonum diem aspredines quædam miliacæ, cuticum morsibus ferè similes, quæ tamen non admodum pruriebant, in summâ cute subnascebantur, & ad judicationem usque perdurabant. Ac nec ea quidem masculorum ulli eruperunt. Mulier verò, cui talia fierent, nulla mortua est: hebetior tamen erant au-*

ditu & soporosa, quamvis antea non admodum soporosa essent, quibus ista evenire debebant. Neque tamen in totum perseverabant. Haud obscurior locus occurrit 7. epid. in historia Fullonis & Pherecyda. Ejusdem morbi mentionem facit divinus Pergamenus lib. 1. de diff. febr. c. 3. & 4. ut & Aëtius lib. 5. Ut propterea dicere non ausim, hanc luem priscis omnino pepercisse, innumeris pariter nobiscum morbis expositis.

3. Peculiarem tamen præ aliis regionibus vim ad producendum morbum hunc Hungariam obtinere, imprimis in subjectis dispositis, nemo inficias ibit: siquidem Aër ibidem duobus extremis Naturæ infestissimis peccare fertur: vel enim nimium crassus & nebulosus, vel discussis nebulis ultra modum subtilis est: quæ aëris anomalia præcipuè Germanis officit, quorum familiares venti Carpathiis rupibus quasi obicè excluduntur. Præterea crebræ tetrumque spirantes paludes & inevitabiles castrorum sordes aërem per se crassum magis inquinant. Huc faciunt frequentes in victu errores, carniū & piscium coctu contumacium esus: Aquarum stagnantium & limosarum, ut & vini Hungarici potentis immoderatus usus: de quibus omnibus infra in causis fusius agemus, pro tempore ad hujus luis naturam clarius definiendam, vel potius describendam nos accingentes.

4. Cum autem nullus ferè affectus tam inconstantis, dubiæ atque ancipitis sit naturæ, quam ipse morbus Hungaricus, idcirco difficillimum hîc reor τὸ εὖ ορίζεσθαι, καὶ γινώμην εἰς βελήν εἰς φέρειν. Jacta tamen esto à nobis alea, meliora si quæ proferentur, lubentissimè accepturis. Definimus itaque Morbum Hungaricum, quod sit Febris continua, maligna & contagiosa, ab humoribus pravis & corruptissimis circa ventriculum & primas vias, item in vasis majoribus exorta, quam symptomata junctim multa & gravissima comitantur. Genus est Febris, consistit enim in calidâ totius corporis intemperie, & oritur à calore p. n. in corde accensô, mediantibus spiritibus & sanguine per venas & arterias diffusô, læditque insigniter actiones naturales. Duplicem in homine calorem constituit Cous 6. epid. comm. 5. r. 5. unum naturalem, alterum p. n., dum inquit: αἰνθεῶπις ψυχὴ φέρεται ἄξει θανάτου, καὶ δ' ἐκπυρεθῇ ἅμα τῇ νύκτι, καὶ ἡ ψυχὴ καὶ τὸ σῶμα φθίβεται, i. e. Hominis anima, seu ignis, producitur semper usque ad mortem: Sin autem ab altero igne i. e. febre excanduerit, simul cum morbo & anima & corpus depascitur. Galenus de diff. febr. c. 1.

essentiam febrium calorem p. n. esse statuit : quod confirmat Trallia-
mus lib. 12 c. 1. & Avicenna 4. canon. fen 1 tr 1. c. 1. Atque adeo calida in-
temperies cuilibet feбри intrinseca est & essentialis, ut non aliâ ratione fe-
bris sit morbus, quam quâ similârium corporis partium temperamentum
mutat.

5. Sic igitur morbum Hungaricum febrem esse pronuncia-
mus, eamque *continuum* : Talis enim ordinariè deprehenditur : siqui-
dem Cor à qualitate malignâ labefactatum, & ab humoribus vaporibus-
que putridis tantum non oppressum, motu continuo lacescit, & sine in-
termissione adversus capitalem insurgit hostem : quia tamen certis & qf.
novis periodis exacerbatur, ideo etiam periodicam non adeo ineptè dici
posse putamus. Sunt, qui illam erraticis & continuis putridis accenseant.
Crato ad Synochum hanc referre non dubitat. Et sanè, cum mor-
bus hic juxta diversum morbosæ apparatus genium diversimodè se habe-
at, ideo varias quandoque mentitur febres : Eâ tamen lege atque ordine,
ut peculiâres circumstantias sibi referret, quæ illum ab aliis febribus di-
scernere testentur.

6. Summam huic feбри inesse *malignitatem* arguit 1. pluri-
morum ægrotorum internecio. 2. in epidemiorum morborum classem
merito refertur, quorum nullus malignitate caret. 3. Omnino incertæ
& ancipitis est Naturæ, quâ ob causam si non planè ἀκρίβεια, valdè ta-
men δυσκρίβεια est, more omnium febrium malignarum. 4. Laborio-
sissima peritissimorum Medicorum curatio κακὴ ἰατρικὴ hujus febris evi-
dentissimè evincit, sævisimis symptomatibus, quæ multum negotii Me-
dicis facessunt, sæpè præter spem subito prorumpentibus.

7. *Contagiosam* esse νοσῆσθαι τῇ ἀποκρίσει, ἢ τοῖς μύσματος fe-
brem hanc arguit infectio non domorum integrarum solum, sed & urbi-
um & pagorum. Seminarium enim lentum & glutinosum facilè ab unô
in alium serpit, vehiculô aëris venenosi, & malignis effluviis contaminati,
sive illa ex pravâ viscerum oppilatione, humorumve malitiâ, sive ex terre-
stribus & cæcis æternæ noctis receptaculis expirent, sive ex noxiis fuligi-
nibus aut aliis de causis ortum ducant. Illos tamen principaliter Con-
tagii infaustum Seminarium inficere arbitramur, qui ob occultam quan-
dam sympathiam ad illud suscipiendum sunt dispositi, non secus, ac pra-
vas nebulas suspectasque pruinas decedentes in silvas, certas duntaxat ar-
borum

h^orum species, illæsis reliquis nonnunquam offendere videmus, quô si-
mili utitur *Angelus Sala tr. de peste.*

8. Quamvis autem morbus hic universaliter adoriatur &
destruat non solum Cor, sed & *ἡ γλομελίνη* seu universitatem totam: *πρω-
τον* tamen *δεκτικόν* Cor est, quod gravissimis insultibus exercetur: Id quod
subitanæ & feræ virium lapsus locupletissimè demonstrat. *Secun-
darium* subjectum sunt viscera compatiencia: quod abundè docuit *ἀν-
τοψία* in cadaverum dissectione, ubi Cor flaccidum, jecur phlegmone
confectum, ventriculus pulmonesque siderati ac nigricantes usque adeò visi
fuerunt, ac si epotò toxici hæc viscera tam diris fuerint inquinata modis.

9. His ita prælibatis ad *Causas* hujus Febris nos conferimus,
secuti monitum Herophili scribentis, oportere Medicum, quæ qualis &
quanta sit causa morbi prius cognoscere, quam de remedio cogitet. Causa
autem hujus luis tam altè jacet abscondita, & tot difficultatibus irretita
est, ut vix erui possit, etiam à studiosissimè laborantibus: nec vitio ver-
ti alicui posset, si cum Hippocrate & Galenò post longas animi velitatio-
nes ad *τὸ θεῖον* confugeret. *Immediatam causam* consistere putamus in il-
lâ peculiari malignitate, cordi inimicâ & sanguinis ebullitionem excitan-
te, aliâq; gravissima Symptomata producente: quæ malignitas in quibus
qualitatibus consistat, in hac humanæ mentis caligine exactè perscrutari
non concessum est. Chimici accusant venena Mercurialia, aconitica,
arsenicalia, cicutalia & sim. Malignitatis tamen Natura etiam curiosissi-
mos indagatores fugit, quicquid etiam vana mortalium audeat ambitio.
Cogimur itaque ad qualitatium abstrusarum confugere asylum, donec ex
immensò ignorantie humanæ pelagò tandem ad exoptatum perfectæ sei-
entiae portum nos duci continget.

10. Ex rerum non naturalium censu causam statuimus esse *Æ-
rem*, qui ut omnibus animantibus necessario attrahendus est, ita fieri non
potest, quin immutatus & p. n. affectus quodlibet subjectum lædat prom-
tissimè. Alteratur autem ær vel à superioribus vel ab inferioribus. Su-
periora aut coelestia, etsi quandoquæ signa talium malorum suppeditent,
nihil in se maligni aut pestiferi habent, siquidem salutis nata, teste ipso
DEO, Gen. 1. Si enim mutarentur, vel à seipsis vel ab aliis id fieret: Illud
impossibile, quia *ὁμογενῆς* sunt, quæ in seipsa agere non possunt. Nec ali-
unde patiuntur, sic enim corrumperebantur: atqui illa teste Aristotele lib.
de coe-

de cælo 1. cap. 3. ἀφ' ὧν ἡ ἀστὴρ ἵσταται sunt & omnis corruptionis expertia. Nec Cometas aërem ad malignitatem disponere credibile est: siquidem illi ad aërem alterandum aut alios effectus malignos producendos nihil prorsus virium habent; sed eorum saltem signa sunt extrinseca: Effectus enim tales, si Athanasio Kirchero credimus; à solò laborantis Solis paroxysmò, minimè verò à Cometà procedunt. Inferiora igitur aërem potius alterare putamus: inquinamenta talia aëri conciliant mephiticæ cæstrorum sordes, inhumatorum hominum crudeli Marti in præliis immolatorum, & jumentorum temerè projectorum virulentus halitus, creberrimæ paludes, nebulae frequentes, tetrum spirantia stagna, aquarum sua littora transcendentium putrefactio, pluviae pravæ, præsertim Austrò spirante cadentes, venenatæ tonitruum & coruscationum expirationes, piscium circa littora disperforum corruptela ac foetor, & sim. Non minus Aër à vaporibus malignis vi ventorum è longinquis oris ad nos perductis pollui potest: interdum Contagii seminaria ab unò individuò in aliud transportantur, idque solò aëris adminiculò. Nonnunquam ex subterraneis montium cryptis, præsertim post terræ motum ex variarum rerum confusione & putredine pestifer exspirat halitus, qui aërem vicinum inficit, per quæ putrida & morbida *μιάσματα* magna sæpe brutis hominibusque strages accidere solet: quod experiri licet peregrinantibus prope Monspelium & Neapolim. Præterea militibus ut plurimum sub diò & frigido dormiendum Jove, quò fit, ut vapores è terrâ ascendentes excipiant, pluviarum injurias perferant, & deinde madida vestimenta cum siccis permutare non possint. Hinc illa malorum Lerna! hinc tot malignitatis fontes!

II. Hûc facit *viçtus communis*; pravus sæpè, quò in melioris penuriâ ob annonæ caritatem vesci coguntur milites, ut plurimum nullò ordine observato: à quibus impuris & sordidis alimentis non nisi viiiosi prognaſcuntur humores, qui in corpore cacochymicò deteriores redditi, venenatamque qualitatem nacti, & externò aëris adminiculò excitati, facile talem luem procreare valent, ut Galenus docet *lib. 1. de diff. febr. c. 4.* Ejusmodi cibi sunt frumentum sideratione, rubigine & putredine vitiatum, ex quo panis pinsitur valdè insalubris, qui vix è clibanò extractus, & adhuc calens, immo mucore obsitus sæpè pro Ambrosiâ comeditur: Carnes item præsertim bubulæ diutius asservatæ, semi putridæ & à

& à morbidis animalibus acceptæ, quæ plerumq; semicrudæ, sine pane, sine sale foedisimè deglutiuntur: pisces in stagnis, præsertim, in quibus linum & cannabis macerari solent, degentes, fructus fugaces, quibus Hungaria abundat, & similia. Accedit & hoc, quod militibus sæpè aquæ palustres & limosæ potandæ sint, maximè illæ, quæ ob nimiam æstatis siccitatem penè absumptæ amarescunt, vel cadaverum aut alterius inquinamenti permixtione contaminatæ corrumpuntur. Hujus commatis est cerevisia crassa, turbida & sæculenta.

12. Tot & tantos diætæ errores incautus miles *vinô Hungariô potente*, sæpè nimium sulphuratô, Tartareô & pendulô, corrigere studet, dies noctesque strenuè pergræcando, vinumque ad ambas usq; aures ingurgitando, ut plurimum tamen sinistro cum eventu, siquidem ex hujus vini, præsertim meracioris usu, bilis in corpore facilè sua capit incrementa, & crudi in corpore cumulati humores vinô tanquam vehiculô ad exiliores devehuntur venas: inprimis autem illi præ reliquis à vini hujus usu plurimum læduntur, qui in Septentrionalibus regionibus cerevisiæ bibendæ assuefacti, vino huic potenti, ubi copia ejus facta, tantum non se immergunt. Ex horum igitur & similium alimentorum usu necessariò humores putridi in corpore accumuluntur, qui nisi crebrioribus exercitiis per ἀθλον διαπνοήν discutiantur, majorem indies pravitatem, immo venenatam induunt Naturam, quæ ab Aëre ambiente excitata, spiritibusque vitalibus permixta facilè malignam hanc labem producere apta nata est. Hûc pertinent etiam reliqui rerum non Naturalium effectus, rectè se non habentes, inprimis animi παθήματα vehementiora, spiritus vitales debilitantia, ex. gr. mæror, quem sæpè exitiosissimas febres produxisse observavit Mercurialis.

13. Præterea ad feliciorém hujus morbi notitiam & curationem non parum refert, nosse, qualis sit hujus luis fomes, & quoniam humore potissimum constet. Sunt, qui pituitosos humores hîc accusant, verum sine sufficientibus rationibus. Sunt, qui in sanguinem foetis sedem collocant, eò, quod maculæ rubæ nonnunquam apparentes analogiam sanguinis arguant: & sanè, cum ægri in hac febre vehementer æstuent, sitiant, & calore totum corpus ferè aduratur, immo in plethoricis sy-

cis synocham hæc febris referat, argumentò est, hujus fomitem esse sanguinem, non tamen purum, sed pravam, putridum & biliosum. Accedit, quod calculò omnium febres continuæ in venâ cavâ accendantur, quam ob causam ægri ut plurimum in hac febre de summò dorsi dolore conque-
runtur.

14. SIGNA Διαγνωστικά in hac febre suppeditant sympto-
mata plenò agmine infestantia, ut fermè nullius febris reperiatur Sym-
ptoma, quod in hac lue non affligat. Inter illa primà locatur sede calor
πεμφρύων, sensu tactus explorandus, qui ab initio quandoque diffi-
culter tangenti occurrit, & maximam partem intus delitescens; malignò
incendio viscera perurit, extremis sæpè vix tepentibus. Επὶ σπυδαία
accidit cum levi rigore, vel potius superficiali horrore, quem æstus bre-
vi post excipit, qui postmodum noctesque diesque ægros detinet & ex-
cruciat.

15. *Vitalis Facultatis læsa*, signum præbet pulsus celer, inæqua-
lis, languidus, undosus, deficiens reciprocus, formicans & miurus: qui
pulsus variant pro affectus magnitudine, ægri roboris & crasi. In prin-
cipio sæpè pulsus omnino Naturalis deprehenditur, cui tamen non fiden-
dum: latet enim anguis in herbâ: siquidem Cor primum malignita-
tis impetum fortiter reprimat, febre autem invalescente vix ferendæ ma-
lignitati sufficit. Unde natum est in Medicorum Scholis proverbium:
Pulsus bonus, urina bonâ, æger moritur: cuius meminit Hofmannus
*exerc. juvenil. lib. 3. c. 1. Contigisse sibi, (scribit) cum in peste Noricâ anni
1632. tractasset egregium quendam Medicinæ Studiosum, & ad fenestram in-
spiciens urinam, admurmurasset. Est melior besterna! hoc dixisse Studio-
sum: Urina bona, pulsus bonus, æger moritur. Cumque Hofmannus que-
sivisset: Unde hoc habes? A te, dixit ille. Atque ita etiam evenit: siqui-
dem mortuus est altero die. Erant enim in illâ lue omnia infida,
tam bona, quam mala. Hactenus Hofmannus.* Vitalem etiam faculta-
tem apprimè laborare ostendit præceps virium lapsus, syncope & lipothy-
mia, quibus levi de causa ægri afficiuntur, dum halitus putris & venena-
tus Cor vitæ fontem & focum invadit, spiritus vitales corrumpit, pravaq;
commistione eosdem inquinat. Nonnunquam extremâ frigent, spiriti-
bus interno incendio adeò absumptis, ut membris longius remotis om-
ninò denegentur. Præterea respiratio difficilis, salvis nihilominus re-
spirationis instrumentis accidens, ut & tremor & palpitatio cordis vita-
lem fa-

lem facultatem malignitate tetra occupari, & tantum non collabascere testatur.

16. *Animalis facultas* læditur hic multifariam, non solum quoad exteriores sensus, sed & quoad motricem & rationalem facultatem. *Oculi* rubent, sanguine tenuiore inflammato & ad illos alliso: *Aures* sonant, ob vapores in capite detentos, & ad tympanum impulsos: quam ob causam nonnullos ex hac lue surda stros evasisse vidimus: *Gustus* languet, ob linguam peregrino humore imbutam, scabram, nigricantem, & à nimia caliditate fissam. *Tactum* hebetiorem ostendit dolor *ὀστέον* & principio morbi affligens. *Caput* tantoperè dolet, ut præ doloris hujus atrocitate reliqua vix sentiantur symptomata: quæ causa est, cur vulgari idiomate febris hæc vocetur *die Hauptfranschheit*. An à vermibus in capite generatis dolor hic intensissimus oriatur, id quod Schenckius & alii observarunt, accuratâ discussione dignum putamus: Nos, ut palmam in medio relinquimus, ita tot magnorum virorum observationes in dubium vocare non audemus. Internos sensus afficiunt *assidue vigiliae*, ob fuligines ex vehementi humorum ebullitione ascendentes, & calore suo igneo nativam cerebri humiditatem depascentes. Contrarium accidit in illis, quibus cerebrum pituita scatur, quæ calore febrili liquefacta, *carus* *alique soporosi affectus* inducuntur, ob sinus cerebri pituitæ lentore repletos. Tales à somno excitati pejus habent, delirant, & interdum animo iniquuntur, quod Hippocrates *aph. 1. §. 2.* pro malo signo habet.

17. Nonnunquam *convulsiones* accidunt ob flatus ab humorum crudorum perturbatione emergentes, & musculorum fibris se insinuant. *Tussis* affligit, quoties ob defluentes à capite catarrhos pulmones infestantur, qui si acredine suâ pulmonum venas erodant, sputum eruentum interdum causantur. *Tremor* accidit, ob spiritus in partibus absumptos, ut & humores viscidos liberum spiritui animali ingressum musculis denegantes. *Deliria* communiter infestant, quæ sunt vel suavia, ubi quisque æger plerunque de suo vitæ genere sermones fundit in-compositos. Audias hic causidicis lites, aurigæ somnia currus esse: Milites verò de bellicis machinis, velitationibus, castrorum metatione, urbium oppugnatione verba facere. Inflammatis cerebri membranis *deliria* *dixæ* & *phrenitides* accidunt, ob spiritus à perenni fuliginum impulsu vehementissimè perturbatos.

18. *Naturalis facultas lesa* signa sunt: *Vomitibus, appetitus ventriculi prostratus*, ejusdemque *anorexia* sæpè tanta, ut ægroti cibos omnes odio prosequantur plusquam Vatinianò. Accidit hæc ab humorum in primis viis putrefactione & lentore, quæ facit, ut orificium ventriculi, (famis & sitis sedes) obtundatur, & suctio venarum impediatur. *Ventriculum etiam affici* argumento est, quod ægri ad cartilaginem ensiformem sub sternò, ubi orificium ventriculi esse creditur, de vehementissimis conquærantur doloribus, & ad levem digiti tactum stentoreos edant ululatus. Præterea *sitis* ægros torquet inexplabilis, intensissimi caloris, omnem humiditatem absorbentis indubitatum indicium.

19. In excretorum classe Signa suppeditat *urina*, quæ si non omnibus, tamen plurimis ab initiò naturali colore prædita & parum mutata excernitur, ægro nihilominus gravissimè decumbente: id quod verum summæ malignitatis clanculū insidiantis est *τελευτήσιον*, cui Medicus facile fidere non debet, ne ægro expirante dignas luat imperitiâ suâ pœnas: siquidem malignitas vitæ acropolim contestim adoritur, nec reliquis humoribus mox ab initiò admisceri gaudet, unde urinæ, quamvis bonæ, nimium ne fidite Teucris. In progressu morbi sæpè excernitur *urina crassa, turbida, rubea, cum sedimento turbulento, foetido ac tartareo*.

20. *Sudores*, si in determinata tantum parte copiosè prominent, vel frigidi sint, damnantur à *Coo* i. *prorrhæti*. & alibi. Contra si cum *εὐφορίᾳ* ægri, præsertim post erisip. à Naturâ institutam prorumpant, salubre sunt indicium. *Alvi feces*, intolerabilem foetorem mox à primo morbi insultu expirantes malignitatem arguunt omnia pessundantem. *Colliquativi, dysenterici, epatici fluxus, ut & alvi profusiva* non levem materiæ morbum foventis ostendunt pravitatem. *Hæmorrhagia* ab ebulliente aut acri sanguine profecta, si à principiò acciderint, nihil aut parum adjumenti præstant, siquidem excretiones hæc symptomaticæ Naturam materiæ malignæ impetum non sustinentem, sed potius succumbentem demonstrant: his si non ægri mors, longa tamen morbi protractio, authore Hippocrate, succedit.

21. *Petechiæ, seu maculæ, pubicum moribus similes* circa dorsum, collum, pectus, brachia, non rarò in hac febre erumpunt, ab ebulliente sanguine tenaciore & magis vaporosò in extimam corporis superficiem protruduntur.

protulit: has eructat ante debitum tempus Natura graviter irritata, nonnunquam in principio invasionis, interdum brevi post primum impetum. Sunt, qui maculas tales pro pathognomonico signo habent, & propterea febrem hanc lenticularem, petechialem, das hylige St. cf. feber / appellitant. Sed aberrant isti à janua: non enim omnes ægri stigmatibus ejusmodi notati cernuntur, quâ de re videatur Felix felicis memoriæ Platerus tr. 2. cap. 2.

22. Porro cum vitam prædicere in evasuris; mortem in morituris, gloriosum Medico sit semper; (cujus verba si sint oracula: consilia, auxilia: prognostica, Sibyllæ folia, benè agitur cum ipsius existimatione) hinc missis signis diagnosticis *ad προγνωσιν hujus luis* nos accingimus, brevibus, quid illa boni vel mali protendat, visuri. Difficile autem hic est, juxta Medicorum principem Hippocratem *aph. 13. s. 2.* veluti in acutis reliquis, aliquid prædicere certi: quapropter cautè hic pronuntiandum, ne vel præpostera securitatis, vel desperationis aut metus causa sit Medicus.

23. **MODUS EVENTUS AD SALUTEM** est: si materia maligna à Naturâ alexipharmacis adjutâ certò tempore per sudores ejiciatur: si medicamenta, cibus & potus non evomantur: si magna vitiosorum humorum colluvies per vomitum aut alvum cum ægri *εὐφορίᾳ* excernatur: quam salubrem crisin nuper in perillustri quodâ observavimus Comite. Si etiam per totum morbi decursum æger sit sanæ mentis, ac deliria accidant sua-
via, nec diuturna: si urina moderatè crassa sit, (indicat enim caloris nativi robur *τὰ ὁμογενῆ* congregantis): si reliquis consentientibus urina copiosè fluat, (sic enim præcipua malignitatis & putredinis minera commodè tollitur): si papulæ diebus criticis appareant, nec citò dispareant: (rarò tamen has bonum præfagire F. Platerus & Martinus Rulandus affirmant:) si facies sanorum sit similis: si materia ex capite in utramvis aurem seces-
sum faciat, unde *βασανισμία* oritur, quam certissimum salutis augurium suò tempore præbuisse Thomas jordanus affirmat, quod & nos in plurimis observavimus militibus: ostendit enim hæc surditas, parotides aut aliam sensibilem evacuationem brevi affuturam, sequestratò humore morbifico ab internis ad externa. Præterea si æger à somno relevetur: pulsus tangenti offerat magnum & validum: benè spiret: hypochondria mollia & æqualia habeat: in summâ, si vires cum symptomatibus collatae

30. f. 2. Ab externis injuriis Cor præservatur *sacculis cordialibus, balsamô citr. succin. antiloinic. & sim.* Naribus odorandum offertur *ambra pomum, aut acet. rosat. rutac. cum camphora momentô.* Fonticulorum usu plurimos ab hac lue præservari, Medici gravissimi asserunt: Non quod fonticuli veneno resistent, sed quod vitiosos humores e corpore sensim tollant & hâc modô apparatus ad contagium suscipiendum demant.

29. In CURATIONE Medicus insidiosum hostem hunc debellaturus quatuor potissimum scopos, ad quos sedulô animô collimet, sibi præfigat. 1. Omnem lapidem moveat, ut malignitatis averruncetur fomes. 2. Malignam qualitatem Naturæ totô genere & e diametrô contrariam immutet, atque e centrô ad circumferentiam proliciat. 3. Alla- boret, ut Cor à venenatâ qualitate præmuniatur, corroboretur, partes- que reliquæ non negligantur. 4. Operam det, ut gravissima ingruentia Symptomata pro virili demulceat, mitiget ac emendet. Hæc omnia fe- licissime assequetur, si ex tribus usitatis fontibus, *Pharmaceuticô nimirum, Chirurgicô & Dieteticô* materiam præsidiorum cautus hauriat & desu- mat.

30. PHARMACIA, suppeditat *purgantia*, quæ à nonnullis in hoc morbo rejiciuntur, eò quod multum quidem moycant, parum autem promoveant, vires debilitent, caliditate noceant, ad veneni Naturam ac- cedant, malignitatemque ad centrum penitus trudent. Verum enim- verò cum ut plurimum pravam diætam Morbus hic agnoscat matrem, & magna vitiosorum humorum nullam coctionem suscipientium saburra circa ventriculum hæreat, omnino statuimus operam dandam esse, ut in principiô, viribus nondû languentibus per eccoproctica, leniter purgantia & vomitoria colluvies hæc evacuetur, antequam illa in corporis penitio- res rapta recessus morbum valdè augeat: in hac febre enim insignis est *όργανος* humorum qui omnis penè pepasmi expertes sunt: quapro- pter hîc etiam audiendum veritatis Medicæ tribunal f. 2. aph. 29. f. 1. aph. 22. Purgantia talia sunt leniora: *ex. gr. sirup. Cichor. c. Rhab. rosat. sol. diasen. elect. diacathol. diaprûn. solutiv. rhabarbarum & ejus extractum. Tamar. Indorum pulpa, cassia, manna & sim.* Omnibus palmam præripit *Agaricus, ex cujus drachmâ unâ cum flor. cassiæ drachm. 6, ol. citr. gt. j. & sacchar. q. s. bolus formari, vel in aliâ formâ exhiberi potest.*

31. Nec Clysterum usus incommodus: illi enim inferiora tutò evacuant, & humoribus sursum hærentibus πρὸς τὰ κατώτερα facilem præbunt viam. Parentur ex rad. lil. alb. althææ ana dr. 6. herb. violar. lactuc. malv. ana Mj. scord. flor. violar. chamomill. ana Mss. prun. Damasc. No. viii. Coq. in s. q. brod. carn. vitulin. vel pull. In colatur libj. dissolve cassiæ extract. unc. unam semis, mellis violat. unc. ij. ol. violar. unc. iij. M. f. enema. Nonnulli in colatura dissolvunt el. de tryph. persic. extract. helleb. nigr. & nonnihil fellis taurin. inspissati. Sunt, qui ad contemperandum æstum Clysteribus addunt nitrum vel crudum vel præparatum. Alexipharmaca, quæ Mündererus admiscet, commodius per os exhibentur.

32. Vomitoria in præclivibus ad vomendum exturbant pravam humorum congeriem, malignitatis pessimæ principium, sine magnâ virium jacturâ, & sæpè mirandò cum effectû, adeò, ut æger ex horum usu insigne sentiat levamen. Sint autem & hæc leniora, ex. gr. Sal. Vitriol. quem Angelus Sala mannam vomitoriorum indigitat: propinari potest à scrup. sem. ad scrup. j. cum oxymelit. aut alio vehiculo conveniente. Infer vit huic scopo aq. benedict. Rul. helleborismus Heurnii, & decoct. rad. asar. cum oxymelite. A fortioribus qualia sunt flor. croc. & vitr. antimon. mercur. vit. hîc abstinere consultum: Post vomitum æger jus pulli sorbeat aut conserv. rosar. vitriolat. carn. citr. cond. roob berber. rib. & similia sumat.

33. Ubi sic Medicus primo scopo satisfecerit, nihil moratus ad Alexipharmaca & sudorifera se conferat, in quibus totius curationis cardo vertitur. Ex simplicium classe eligat carduum benedictum, qui plurima suppeditat præsidia, item rutam, Zedoariam, vincetoxicum, scorzonerr. terr. sigillat. Strigens. & Turcic. bol. armen. C. C. ust. & philosoph. præparat. & sim. Unicorn & lapide bezoar si quis uti volet, lynceos admoveat oculos, ne pro veris adulterina accipiat, & sic fallatur & fallat. In compositorum censu sunt pulv. Cesar. rub. spec. liberant. electuar. de ovo Maximiliani, diascord. Fracastor. mithridat. Damocrat. theriaca Andromach: quam tamen ob insignem caliditatem cum cautelâ exhibere decet: electuar. de Zedoariâ Thom. Jordani, aq. contr. malignitat. aq. citri alexipharm. tinctur. bezoart. D. D. Michaëlis, bezoarticum Solar. diaphoret. pulv. nost. antifebril camphoratus, Sal. nost. sudorif. compos. Antimon. diaphoret. bezoart. mineral. lunar. animale, fl. sulph. ad albed. sublim. & sim. Sudore sic per horam unam vel alteram provocatò stragula non statim removen-

C

da,

da, multò minus frigida aura admittenda, ne malignitatis minera jam dissipata rursus repellatur ad centrum; sed sudor blandè calidis linteis abstergendus, ægerque cibis & analepticiis reficiendus. Quod si sudare nequeat ægrotus ob imbecillitatem virium, vel aliam ob causam, nihilominus tamen Alexipharmaca propinanda, ut malignitas, si non aliter, tamen ἀδιαπνεύτως discutiat: potest tamen sudor in lecto promoveri lateribus calidis aceto conspersis, lagenis aut vesicis bubulis aqua calente plenis, aut serpentino lapide calefacto & cum linteis applicato.

34. Διέτησι insignem præstat usum ob renes non perfundiorè laborantes & obstructos: non rarò enim per renales meatus malignitatis fomitem Natura ablegat. Eligantur verò diuretica temperationora, quæ præter serosos humores educendi facultatem simul alterant & refrigerant, qualia sunt: *serum lact. caprill. decoct. radic. fœnicul. cichor. asparag. scorzoner. gramin. carduibenedict. acetos. rasur. C. C. aq. hord. cum C. C. ust. passul. sem. fœnicul. & julapia cum sirup. acetositat. citr. limon. granator. & sim. additis aliquot guttulis spir. sal. Tartarifat. vel vitriol.* Emulsionem fieri possunt ex *amygd. sem. nap. frig. major. citr. cum aq. fragor. acetos. cerasor. nigr. quibus C. C. ust. prap. spec. diamarg. frig. & sim. addi possunt.* Sunt, qui nitrum præparatum & hic commendant, nec sine ratione, illud enim inter virtutes reliquas renibus quoque egregiè opitulatur.

35. Dum hæc ita fiunt, simul ad vitalem indicationem collimandum, viscerique principalissimo cordi medicamentis corroborantibus, tam internis quam externis subveniendum. Interna sunt *spec. de hyacinth. lactificant. Galen. magister. hyacinth. perlar. Corallor. smaragd. prap. lap. bezoar. Oriental. confect. alcherm. conserv. rosar. rubr. vitriolat. violar. borrag. bugloss. fl. tunic. condit. flor cortic. & pulp. citr. sirup. perlar. Corallor. granatorum, emulsio perlarum & Corallorum cum aq. cordialibus, facta: tinctura Corallorum vera; essentia, margaritarum, pulv. bezoart. Sennert. analepticus Mundereri, bezoarticum Solare, magisteriis cordialibus admixtum & sim. ex quibus in varia forma medicamenta parari possunt. Extra cordis regioni & pulsibus applicantur *sacculi spec. pro epithem. cordis repleti, & acetò rosat. bezoart. scord. angelic, lavendula, vel aquis cordialibus madefacti.* Si verò exanthemata proruperint, madida epithemata ob repulsionis metum locum non habent. Illini etiam cum commodo potest *ol. scorpion: Matthiol. arancar. Munderer. balsam. Ale-**

xicacus D. D. Michaelis, citr. rutæ & sim. quorum pleni sunt practico-
rum libri.

36. CHIRURGICA inter auxilia in conspectum primò se of-
fert *Venæ sectio*, quam nonnulli hic planè rejiciunt: idque propter vires,
quarum velut anima sit sanguis, & quibus ad evincendum morbum tan-
quam armis fortissimis Natura utatur: addunt præterea, adesse maligni-
tatis furorem, exæstuantem calorem, elabendi laborem, & hæc singula
sanguinem nimis maturè minuere, immo consumere posse: sicque con-
cludunt, Venæsectioni nuncium mittendum esse. Verum enimverò sus-
que deque habitis adversariorum rationibus phlebotomiam pro genero-
so habemus præsidio, cui in tempore instituto audacter fidendum. Nec
enim sanguinem minuere consultum esse arbitramur, ubi vires planè sunt
attritæ: nec obstat calor exæstuens, huic enim Venæ sectio, quæ per acci-
dens refrigerat, resistit. Igitur primis viis mundatis præsentibus notis
sanguinis ebullientis, viribus constantibus, uno vel altero post invasio-
nem die sanguis (præsertim in corpore plethorico) justâ quantitate de-
trahendus. Sic enim Natura parte oneris levata residuum felicius vincit.
Eligitur ut plurimum mediana brachii dextri revulsione; sublingualis
vena derivationis gratia. Nec tali venam secare, ubi opus fuerit, incon-
sultum putamus. Si verò Medicus viribus jam collabascens, & post
magnum putredinis malignæ progressum accersatur, tutius est, exemplo
Hippocratis 1. *epid.* 3. à Venæsectione abstinere, quam ægrum in præsentis-
simum conjicere discrimen.

37. *Cucurbitule* vicariam præstant operam, ubi ob virium la-
psum in morbi progressu venam secare nolumus: illæ enim sanguinem te-
nuem & ichorosum, cum malignis vaporibus ad exteriora evocant. Affi-
gendæ sunt partibus inferioribus: sic enim à corde & partibus superiori-
bus sanguis revellitur: monente Galenò *lib. de cucurbitul.* Nec *frictio-
nes* sunt incommodæ. *Vesicatoria, phænigmi, sinapismi* proliciunt virus
ad exteriora citra virium jacturam: horum usus est post universalia præ-
missa. Valet hic vesicatorium, quod in omni mentis alienatione præscri-
bit Mynsicht. *f.* 29. Affiguntur cruribus & coxis ad materiam venenosam
à corde revellendam: ad derivandam verò pone aures, humeros, scapulas
in deliriis & soporosis affectibus. Hûc faciunt *fonticuli*, qui in ejusmo-
di febribus, immò in ipsa peste magni sunt momenti, secundum Senne-
rt.

lib. 4. de febr. c. 5. in quibus tamen solis spem securitatis non collocandam putamus.

38. Symptomatum in hac febre prolixus est Catalogus, ex quibus principaliora in scenam producemus. *Nausea* ventriculum infestans cum singultu & acerrimò dolore tollitur eccoproticò, aut vomitoriò primis diebus exhibitò, de quo supra : quo factò sirupus vel vinum granatorum exhiberi possunt. *Vomitus* sistitur, si stomachi regio inungatur oleò *absinth. mastichin. cydonior.* vel imponatur *emplastrum stomachale Craton.* *Diarrhæa* non protinus cohibenda, si foetida excernantur, sed potius abstergens medicamentum propinandum : quo factò liquor n. *stipticus, decoctum rasura C. C. cum sirup. acetositar. citr. theriacæ rec. & similia* conducunt. His medicamentis etiam *alexipharmaca* admisceri possunt. Extra ventriculo imponitur *emplastrum de crustâ panis.* Cibi exhibeantur mediocriter incrassantes & abstergentes. In dysenteria valet decoctum *Rulandi cap. 6.* de lue Ungaricâ propositum : Item enemata *Mynsichti, quæ sect. 32. præscribit.* Laudatur sirupus de *Corall. croc. Otis, terra sigillata sulphur, & similia.*

39. *Sitis, caloris & siccitatis soboles,* ubi à nimio pulmonum provenit æstu, *crystallò ori inditò & aëre frigidò attractò,* raro potulentis tollitur : quapropter hominum frequentia ab ægrò arcenda, ne Aër inspirandus incalescat, aut ægrum multa fari oporteat. Quæ verò sitis à ventriculi & circumjacentium partium æstu proficiscitur, mitigatur aquâ *hord. cum C. C. passul. julep. rosat. violat. vel tincturâ nostrâ a'terant. cum sirup. granator. spir. nitr. aut vitriol. guttulis aliquot.* Os elui potest aqua *fontanâ frigidâ cum medicò aceti rosat. & sale prunell. Crassula folia, item taleola cucurbitarum in aq. frigidâ macerata,* ore detentæ, & sæpè renòvatæ eundem præstant usum. Eadem medicamenta in lingua & faucium scabritie & ariditate laudantur. In inflammatione linguæ convenit gargarismus ex *sempervivò, nymphaâ, portulacâ & sale nitro :* vel *mucilag. sem. psyll. aut cydonior. cum sirupò violar. mixta.* Conradinus utitur tali remedio : *R. sempervivi contusi lib. j. adde salis armoniaci unc. sem. hæc reponantur in loco humido subterraneò, donec sal liquefactus sit : postmodum aqua alembicò extrahitur, quâ lingua & os colluitur.*

40. *Syncopen & Lipothymiam* sedant remedia corroborantia supra enumerata. Præstat hic aq. vit. alb. Saxonic. aq. virtut. compos. magni-

gnanimitat. aq. de corde & typhis Cervi, aq. carfunculi, & oleum ejusdem. Dolor capitis placatur oxyrrhodinis, emulsione nucleor. persicor. & sem. papav. albi, unguentô alabastrinô, decoctô radicis rhodiæ in aq. rosar. succô cancror. fluviatil. cum aq. verben. & similibus, fronti & temporibus applicatis: revulsionis nomine plantis pedum raphanus contusus cum sale & aceti momento, vel fermentum cum sapone & sale, aut argilla cum acetô rosatô alligatur. Renum dolor lenitur oleô amygdalar. scorpion. cum unguentô rosatô illitis. In vigiliis commendat Hœferus unguent. popul. cum opiô, ol. nymphae & mandragore. Has sistunt emulsio sem. melon. papav. alb. amygdal. dulc. cum aq. nymphae, endiv. rosar. hypnotic. facta: lotiones pedum ex decoctô folior. salic. vitis, lactuce, violar. flor. nymphae, violar. cap. papav. alb. Quæ omnia si parum proficiant, ad laudanum opiatum tanquam ad sacram anchoram confugiendum, cujus g. ij. vel iij vel sola vel cum magisteriô Corallor. aut perlar. exhibere licet. Sopor nimius sternutamentis, erubinis, aceto acrinaribus admotô, cucurbitulâ occipiti affixâ, ut & phœnigmis tollitur.

41. Deliria, præmissâ Venæsectione aut scarificatione compescuntur oxyrrhodinis: columbis vel gallinis per medium dissectis & capiti applicatis: vel phœnigmis appositis. Parotides cum delirio, dolore & surditate aurium affligentes cautè tractandæ, nec reprimendæ, sed potius evocandæ. Imponi potest mica panis in lacte macerata, cum viell. ov. ol. chamomille & croco: si lentè prorumpant, attrahentibus vel cucurbitulis promovendæ: si nimium accrescant, & suffocationem minentur, ferrô aperiendæ. Materiam morbificam per crisin ad aures depositam, & per parotides feliciter evacuatam non ita pridem in plurimis observavimus. Hæmorrhagie narium, si nimia sit & vires deiciat, succurrimus victu nonnihil astringente: eôq; modo: quô aliis mederi solemus hæmorrhagiis. Sputum sanguinis amoliri conabimur revulsionibus, derivationibus, cucurbitulis, ligaturis, aq. portulac. aq. cōtra sput. sang. Dorncreil. tinetur sulphuris vitriol. sirupô: papav. Rbæad. portulacæ & similibus.

42. DIÆTA suum conferat ἐπιτακτικόν μὲν. Aër sit εὐαγε-
τος. Alteretur suffumigiis ex ramentis, baccisq; juniperi, lauri corticibus & foliis, aceto ruta aut rosatô candentibus lateribus affuso, pastillis, trochiscis, & pulveribus profumô, quibus nonnulli, nec sine ratione, nitrum admiscunt. Rhases lintea acetô madida in parietibus extendit. Frigidior aër æstuantibus pulmonibus concedi potest, sed corpore reliquo stragulis benè coopertô.

43. Cibus sit ταχὺτ' ἐσθλόν, nam celeri refocillatione hic opus est. Profunt *jura consummata, jussula capon. gallinar. cum citri & limonum succo, aceto rosato, cinamomi & macis momento condita*. Laudantur *ova recentia, tremula, forbilia*, quibus *succi citri* non nihil instillari potest: sic enim non ita faciliè corrumpuntur. Conducunt *cerasa acida, pyramuscatellina condita, mala borsdorfferana, ribes, berberes, pruna Damascena, passula, panatella & sim.* In quantitate ciborum aurea servanda mediocritas, quæ ex viribus & ventriculi constitutione metienda. Tempus cibandi est, morbus cum quasdam largiri inducias, ægerque minus affligi & febricitare videtur.

44. Pro potu inservit *aq. hord. cum sem. 4. frig. passulis, radic. scorzoner. C. C. ust. vinò granator. & sim. parata: item julapium ex aq. borrag. accetos. fragor. rosar. violar. cum sirup. acetositat. citr. sirup. de succ. acetos. & spir. vitriol. q. s. concinnatum. Vinum* cane pejus & angue fugiendum: testanturque plurimi melioris notæ Medici, inter quos Hæferus, illos, qui vinum Anno 1632. grassante tum temporis hâc lue, incautius hauserant, ad unum omnes interiisse. In declinatione tamen pro corroboratione stomachi *vinum aquâ dilutum* concedi potest in assuetis. Nec *acidularum* usus incommodus. *Cerevisia clara* defæcata Septentrionalibus incolis dulce præbet refrigerium, vini que defectum egregiè supplet.

45. Somnus & vigilia, ἀμφοτέρω τῇ μετέρις γινόμενα καὶ ἀλλήλων, κακόν. teste Hippocrate s. 2. aph. 3. Præstat moderate vigilare, quam somno nimis torpere: somnus enim nimius malignitatem ad interiora rapit, unde putredine auctâ incendiam febrile incrementa sumit. *Alvus* semper aperta teneatur: constipata si sit, *manne unciâ unâ in brodiò prunorum dissolutâ* lubrica reddatur: *Urine & sudores* liberali fluant rivo: ἀδίαπνευσία omnis vitetur: τὰ πᾶσι moderationis coërceantur freno: *Animi constantia* ægro excitanda, ne ad desperationem pronus, fatalis infelicitatis se prædamnet, & certam spem in desperationem convertat. Sed manum de tabula! mentem ad vota!

SUMME DEUS, qui solus habes moderamina rerum,
Svindice qui dextrâ delicta ferocia punis
ingratorum hominum: sed adhuc placabilis iras
abjicis, affectumque Patris non ex suis unquam:

pestiferi

pestiferi depelle procul contagia morbi,
bella, famem, pestemque, tuis aut quæ mala servis
horrendi Satanæ minitatur visque dolus que:
Fac, ut in excubiis Cœli felicis alumni
steni vigiles, salvus sit defensoribus istis
cum Patriâ PATRIÆ PATER: & Schola floreat annis
Gerana innumeris: Sic Te super astra feremus,
Numina perpetua celebrabimus & tua laude.

Tibi soli Gloria in infinita secula.

✠(o)✠

Salomon Fleischhauerus Medicinæ Cultor.

αναγραιματινῶς

En laus & melos! Vir floridus hicce Machaon.

GRande DEI donum est, rutilo pretiosius auro
Attalique opibus, mens sana in corpore sano:
At si febris edax ægros depascitur artus,
mens simul afficitur, rationis Regia lauguet:
Talia Pannonicus monstrat symptomata morbus,
multum infesta Viris, qui Martia castra sequuntur:
Hunc indefesso, tu Fleischhauere, labore
aggrederis, dum, qualis ad hanc curatio febrim
pertineat, qualis quoque præservatio, discis.
Quanta tibi Clarius persolv et præmia Phoebus?
EN! LAUS ET prædulce MELOS Tibi provenit inde:
Fama acclamat: erit VIR FLORIDUS HICCE MACHAON.

In benevolentiae tesseram gratu-
labundus fundebat

PRÆSES.

Dum

Dum Doctore PETRO febrim dignoscere tentas
Hungaricam, firmo nitere præsidio,
FLEISCHHAUERE; Duce hoc facilè expugnaveris omnem
Morbum. Hunc Doctorem teq; valere precor.

avlogedias f.

M. Samuel Boccius, P. L. C.
Phil. Mor. & Eloqv. P. P. n. n.
Gymn. Sen. Conrect.

Nun wilstu abermahl/mein Freund/dich lassen hören;
Und zeugen künstiglich/wie man doch möchte wehren
Der starcken Gifftes Wut/so her aus Ungern kömme
Und manchen teutschen Mann zum Tode mit sich nimm.
So maches ein Feuer-Geist: Der/der ist nimmer müßig/
er fehret freudig fort/der Arbeit nie verdrüssig.
Gleich wie Du ihn thust/du rechter Phoebus Sohn:
Drümm wird dir auch der einst die schöne Lorbeer-Kron.

Glückwünschend schreibe
solches

Johann. Nicol. Schmalz,

F I N I S.